

PRO OEMIUM CONCORDATORUM GERMANIÆ.

§. I.



Um juxta Philosophum

lib. 2. poster. cap. 1. de re qualibet prius sciscitari oporteat, an sit : ideò pro debito ordine servando, & faciliori Concordatorum Germaniæ notitia, necessariò præmittendam, quin & alius repetendam censui eorundem Concordatorum cum in clyta Natione Germanica initorum rationem, formam & normam.

Historica deductio de Concordatorum cum Natione Germanica initorum ratione.

§. 2. Sciendum igitur est, uti Historici referunt, de Concordatis cum Natione Germanica ineundis tempore *Eugenii Papæ IV.* maximè agi cœptum, quando tota propemodum Christianitate eidem *Eugenio* vero Pontifici & Christi in terris Vicario obedientiam præstante, soli Nationis Germanicæ Principes inter se divisi tergiversabantur: alii enim concilio Basileensi (quod idem *Eugenius* sua auctoritate dissolverat,) & *Felici V.* Antipapæ adhærebant: alii cum *Frederico III.* Imperatore neutrius partes sequentes, *neutrales* dici amabant; eoque schismate durante, Ordinarii Colatores, teste *Bzovio in annalibus ad annum 1444.* pro arbitrio suo beneficia conferebant.

De eis sub Eugenio Papa 4. a. agi cœptum.

§. 3. Itaque *Eugenius*, ut hos ad veram obedientiam perduceret, & à concilio Basileensi abstraheret, misit *Thomam Sarzanensem* Episcopum Bononiensem, postea summum Pontificem *Nicolaum V.* dictum *Joannem Carvajales* Doctorem Juris, post S. R. E. Cardinalem S. Angeli, & *Nicolaum Cusanum* Theologum, post similiter S. R. E. Cardinalem Anno 1446. in Germaniam, ut cum Principibus ea de causa tractarent. Conventum ergo fuit Francofurti Anno 1446. cum Imperatoris *Frederici* Austriaci legatis *Alberto* Marchione Brandeburgensi, *Petro* Augustensi & *Sylvestro* Chiemenfi Episcopis, & *Casparo Schlick* Cancellario, nec non cum Electoribus *Theodorico* Moguntino, *Theodorico* Colonienfi, *Jacobo* Trevirenfi Archiepiscopis, *Ludovico* Comite Palatino, *Jacobo* Marchione Badensi, Oratoribus Ducis Saxonicæ, & *Friderici* Marchionis Brandeburgici in Marchia Brandeburgica residentis, *Friderico* Magdeburgensi, *Friderico*

Per suos ad Casarem, & Germania Principes deputatos.

Procem. Concordatorum

Salisburgensi, *Gerardo* Bremensi Archiepiscopo, *Joanne* Merisburgensi, *Petro* Naumburgensi Episcopo, & Deputatis à concilio Basileensi, *Ludovico* Arelateni, aliisque nonnullis Doctoribus, præsentem *Anea Piccolomineo* aliàs *Sylvio* nuncupato *Frederico* Romanorum Regi à secretis, postea S. R. E. Cardinale, & demum Pontifice *Pio* II. dicto, Ubi unanimi consensu conclusum fuit, ut *Eugenius* maneret in Papatu, ac pro vero Pontifice agnosceretur, dummodo tamen Decreta Basileensia servaret, ac nonnulla Nationi Germanicæ indulgeret. *Primum* erat, ut Generale Concilium mense Majo anni sequentis 1447. in uno sex Germaniæ nominatorum locorum per Pontificem designando convocaretur. *Alterum*, ut professio potestatis, auctoritatis, &c. Generalium Conciliorum militantem Ecclesiam representantium per Oratores Apostolicos facta, literis Apostolicis approbaretur. *Tertium*, ut Nationi Germanicæ super prætensis gravaminibus, nempe super reservatione & collatione Ecclesiarum & beneficiorum Ecclesiasticorum opportunè provideretur. *Quartum* & ultimum, ut quæ in præjudicium duorum Principum Electorum Colonienfis & Trevirensis, vel suarum Ecclesiarum acta essent, ex sua Sanctitatis clementia revocarentur.

Es eorum
dem reci-
procè ad
Pontificem
legatos.

§. 4. Signatis hisce articulis & pactis, singulorum Electorum, Principum, Archiepiscoporum, & Oratorum singulis sigillis, decreta est legatio ad *Eugenium* Pontificem, quæ nomine totius Germanicæ Nationis & Cæsaris ei obedientiam deferret, ac postulata ac concordata impetraret in proxima Dominica *Latere* Anni 1447. in Comitibus Norimbergensibus publicanda.

Pontifex
Concorda-
ta appro-
bat, ejusque
successor
Nicolaus
eandem con-
firmat.

§. 5. *Eugenius* porrò auditis in Consistorio secreto Legatis, postulata concessit, & Concordata approbavit speciali desuper edita paulò ante obitum suum constitutione: eoque defuncto, *Nicolaus* hujusce nominis Papa V. successor, missis in Germaniam *Joanne* Cardinale S. Angeli ad S. R. I. Proceres Aschaffenburgi congregatos, eadem prius simpliciter, postea tamen certo modo confirmavit constitutione sua, quæ sequitur.

